



Inatsisartut suleriaasiat § 36 immikkoortoq 1 naapertorlugu Naalackersuisunut imaattumik apeqquteqarniarpunga.

Naalackersuisunut Apeqqut: Angajoqqaanut meeqqanut perorsaanermik ilinniarfimmik Naalackersuisut pilersitsiniarpap? Nunarput tamaat meeqqat qassit angajoqqaaviniit peertinneqarlutik angerlarsimaffiup avataaniippat? Angerlarsimaffiullu avataanut inissiinermi aningaasat ukiumut qassit atorneqartarpap?

(Inatsiasrtuni ilaasorta q Kristian Jeremiassen, Siumut)

Tunngavilersuut:

Meeqqap meeraanera aserorneqartarpoq angajoqqaat ajornartorsiuteqarnerisigut.

Angajoqqaat perorsaanermut ilinniartinneqartariaqartut periarfissaqartariaqarput atuarfissaanik, nunatsinni ajornartorsiutigut annertuujupput, maannakkornit annerusunik iliuuseqassagutta meeqqat ajornartorsiuteqarneranut tunngaviusut angajoqqaat ajornartorsiutaat ikiornerusariaqarpavut.

Qaasuitsup Kommunea-ni meeqqat angajoqqaaviniit peertinneqartariaqartut 181-iupput, sulilu utaqqisoqarluni 9-inik, kisitsit amerlasuujupput sulili amerlanerussapput kommune nunatsinniittut pingasut: Qeqqata Kommunea, Sermersuup Kommunea, Kujataatalu Kommunea ilanngukkaanni.

Meeraq ajornartorsiutini malugeqqullugit saqqummiuttarpei angajoqqaaviniit pissarsiarisani, meeraq nilliasarpoq ikioqqulluni taamaalilluni ajunnginnerusumik avatangiiseqarnissaa pillugu angajoqqaaviniit peertinneqartarluni angerlarsimaffiup avataanut inissinneqartarami.

Immini ajunngilaq angajoqqaat aamma periarfissaqartarmata kommune aqqissugaanik inuttut ineriartorneq aammalu ilaqutariinnik katsorsaasarneq kommune-minni periarfissaqartarmata, uanili pivara suliniutaasut ajunngitsut taasakka sulilaneqqaqqinnissaat.

Angajoqqaat perorsaanissaanut tunngavissaanik annertunerusumik pissarsissagutta annertunerusumik suliniuteqartariaqarpugut, isumaqarpunga angajoqqaat perorsaanermut ilinniarfeqartariaqartut maannakkut ajornartorsiutaasut annikillisinneqassappata.

Angajoqqaarpoq perorsaanermik pitsaanerusunngortitsiniarlutik siunertaqartartunik. Aamma angajoqqaarpoq meeqqanut perorsaanermut tunngasunik ikorfartortariaqartunik ilinniartinneqartariaqartullu perorsaanerup qiterisaanik ilikkartinneqartariaqartunik, taamaammatt isumaqarpunga angajoqqaanut perorsaanermik meeqqanut ilinniarfeqartariaqartoq pissutigalugu nunatsinni angajoqqaarpassuaqarpat tapersersortariaqartunik.

Ajornartorsiutp sorlaa angajoqqaaniittoq aqqikkutsigut meeqqat toqqisisimasumik inuuneqarnissaat aqutissiuuttussaavarput.

Aamma paaserusuppara meeqqat qassit angerlarsimaffiup avataanut inissinneqartariaqarnerisut tassani erseseqqara nunatsinni meeqqat paarineqartut taamatullu meeqqat qallunaat nunaanni qassit paarineqarnerisut angerlarsimaffiup avataani.

Taamatullu paaserusuppara aningaasat qassit angerlarsimaffiup avataanut inissiinermi pisortat qanoq amerlatigisunik aningaasartuuteqartarnerisut.

Apeqquteqaat ingerlatitara ullut suliffiusut qulit qaangiutsinnagit akineqarnissaa qinnutigivara.